

太上說利益蠶王妙經

爾時

靈寶天尊在淨明國土馬跡山中 與諸仙眾 及諸真人 百千萬眾 隨從到赤明宮中 大會說法 是時 眾中有一真人 名日月淨 從座而起 端簡前進 上白天尊曰 今見世間人民 苦樂不均 衣無所得 將何救濟

天尊憫其所請 乃遣玄名真人化身為蠹蛾 口吐其絲 與人收什教其經絡機織 裁製為衣 復以神符鎮貼 以斷邪魔

真人重告天尊曰 世人所養蠹蛾 為復有何報對

天尊答曰 此身變化之後 經餘年歲 復歸本身 飛行自在 來往虛空 於是玄名真人告諸世人 其蠹蛾是我之身變化 憫見眾生饑寒困苦 故來救濟 汝可精心虔敬 不得輕慢 將我拋棄 若生輕慢 當復困苦 若加敬重 得獲大富貴 多養多得 少養廣收 精心信敬 咸皆歡喜 說是經畢 真仙等眾稽首天尊 奉辭而退

太上說利益蠶王妙經

清微藏書閣



太上說利益蠶王妙經竟

天運辛卯年酉月正一天師清微弟子洪鼎堅羅大英恭錄彙編